

126 sîner worte si sô sêre erschrac,
 daz si unversunnen vor im lac.
 Dô diu küneginne
 wider kom zir sinne,
 5 swie si dâ vor wære verzagt,
 dô sprach si: »sun, wer hât gesagt
 dir von ritters orden?
 wâ bist dûs innen worden?«
 »Muoter, ich sach vier man
 10 noch liehter danne got getân.
 die sageten mir von ritterschaft.
 Artuses kûneclîchiu kraft
 sol mich nâch ritters êren
 an schildes ambet kêren.«
 15 Sich huop ein niwer jâmer hie.
 diu vrouwe enweste rehte, wie
 daz si ir den list erdæhte
 unt in von dem willen bræhte.
Der knappe tump unt wert
 20 iesch von der muoter dicke ein pfert.
 daz begunde si in ir herzen klagen.
 si dâhte: »ine wil im niht versagen,
 ez muoz aber vil bœse sîn.«
 dô gedâhte mêr diu kûnegîn:
 25 »der liute vil bî spotte sint.
 tôren kleider sol mîn kint
 ob sîme liehten lîbe tragen.
 wirt er geroufet unt geslagen,
 sô kumt er mir her wider wol.«
 30 owê der jâmerlîchen dol!

Versfolge 126.2-1 *T (ohne T) · sô om. *T (ohne T)

ze s., *G (ohne OZ) (*T) (ohne T)

doch sp. si (sin U): *G (nur G) *T

↓*G *T

ein ([*]: ein V) om. *T (nur U)

si von (sim in ir T) h. *T

wilz im (wil O wils im T) *G (ohne Z) (*T)

a. harte b. (bvese T) *G *T

dô dâhte mêr (do Gedacht ir I) diu kûnigîn: *G (ohne L) (T) · dô g. diu k.: *T

g. oder g., *T (ohne V)

*D: D *m: m *G: G I O L Z *T (U): U V T

3 Majuskel D T 9 Initiale I · Majuskel D 15 Majuskel D T 19 Initiale D Z U V T 25 Initiale G

4 zir] ze *m 6 dô sprach si] si sprach *m 17 sir (daz si ir I [O Z] Sý L) der liste (den list L) erdæhte (erdachte G [L]) *G · daz si den (si einen T) list erdæhte *T 18 unt] daz si *m (L) 21 ir] om. *m